

佛說稱揚諸佛功德經卷中

【元魏天竺三藏吉迦夜譯】

「復次，舍利弗！南方去此，過十萬億佛刹，有世界名曰《真珠》，其國有佛，號《日月燈明如來》，應供、正遍知、明行足、善逝、世間解、無上士、調御丈夫、天人師，佛、世尊，度人無量。其有得聞《日月燈明如來》名者，持諷誦念，歡喜踊躍，至心信樂而無疑者，如來言教，實為快善，無數千人，淨心敬信，悲喜情踊，為之雨淚。此眾生輩，自當憶知：汝等往昔，已曾值見此等諸佛！若有女人，得聞《日月燈明如來》名者，歡喜信樂，從是已後，所生之處，更不受女人之身。十方世界，其有得聞斯佛名者，皆當得不退轉地，必成正覺，於諸欲中，意常清淨，不為欲垢之所纏縛。此佛刹人，及與他方諸眾生類，聞此如來名號者，計其功德，不可限量，不可以言辭稱說而盡其德；魔王眷屬，終不堪任毀壞其人無上道心。」

佛語舍利弗：「魔王常欲索此經而欲滅之，所以者何？彼為諸欲聚之所纏縛故。雖爾如是，舍利弗！斯之伴黨，於最後世，會當信樂斯尊經法，而不謗毀其信樂者，斯之正士，如優曇花，在於世間，宜受一切三界供養！」

舍利弗言：「惟，天中天！最後末世，兇愚暴惡，幾所眾生，有能信持《日月燈明如來》名者，及諸世尊如來名號，歡喜信受？」

佛言：「我今現在諦觀察之，比丘僧中，終不見有，被白衣者，最後末世，亦復如是，信樂斯經諷誦者亦復少有，百萬之中，若一、若二而已。」

舍利弗言：「設有聽受信斯經者，所得功德為幾許？」

佛言：「諸佛如來，於無數劫，遊於五道，拔濟眾生三塗之厄，滿具一切弘誓之願，興出於世，廣為眾生敷陳妙法，實為難值。為說正法故，多所利益，一切眾生，其有聞者，歡喜信樂，斯等皆能疾解我之正法，却生死罪；百劫之後，其有聞此法不信樂者，斯等之輩，我悉見之。」

舍利弗言：「惟，天中天！有幾許人，謗毀斯經，所得罪報，受幾許苦？」

佛言：「斯眾生輩，六十億歲，於地獄中，具受眾罪，以謗毀諸如來正等正覺法故。舍利弗！斯法興盛之時，所在之處，愚癡之人，於中造立地獄之行，毀謗諸佛如來。是故，舍利弗！夫黠慧者，若族姓男、族姓女，最後末世，聞此妙法，信不誹謗，宜當自慶，歡喜踊躍，作是思惟：『我等不謗如來之法，身之所受惡行苦報，吾已得脫！』」

佛告舍利弗：「最後世時，大千世界，滿中七寶，持用布施，猶尚易得；聞有讚歎斯眾功德，實難得值，值此法者，皆為如來之所護持！」

出：佛說稱揚諸佛功德經卷中
【元魏天竺三藏吉迦夜譯】

喃謨世尊日月燈明如來【誦七遍】

Namo bhagavate candra-sūrya-pradīpāya tathāgatāya arhate samyak-saṃbuddhāya.

不空摩尼供養世尊日月燈明如來真言【誦七遍】

Om, amogha maṇi-pūjā mantra pra-sava vi-kurvite, samanta candra-sūrya-pradīpa tathāgata viṣayam ā-bharaṇa gandha-sugandha maṇi-ratna gandha-puṣpa pra-varṣaṇa svāhā.

【2020/3/31 日 1.27 P.M.修改版】

誦此梵音佛名功德：很多事情会逐渐明朗，指如果有困扰的话，事情就会明朗了。皓月当空，夜里也是光明，白天万里无云，晚上明月当空。口舌是非消除，病人獲得轻安，上香的话来很多护法；求财大利，做事顺利，消业，事情明朗。

誦此梵音佛名功德，乃是聖觀世音菩薩所說，為大藏經里所無，受持者請察之。

【公元 2019/10/18 日 3.15 P.M.馬來西亞萬撓佛教會蔡文端恭譯】